



明會要卷七十二

永新龍

方域二

諸門城門附

皇極門 即奉天門嘉靖三十七年改大朝門四十年七月改皇極門

宏政門 即東角門

宣治門 即西角門

會極門 即左順門凡京官上下接本俱在此南入為輔臣票本處也

歸極門 即右順門已上嘉靖四十年七月更

乾清門

明會要卷七十二

坤甯門

中左門 皇極殿左

中右門 殿右

後左門 建極殿後之東亦曰平臺凡召對閣臣等官或於平臺即後左門也

後右門 建極殿後之西

永祥門 坤甯宮左

增瑞門 坤甯宮右

關雎左門 麟趾門之東後改麟祥

關雎右門 麟趾門之西後改燕翼

寶善門 麟趾門再北朝南



慈甯門

崇本門 文華殿西

思善門 仁智殿東南仁宗卽位嘗坐思善門選東宮官

廣運門 坤甯宮中門

景和門 宮後之左

隆福門 宮後之右

端則門 宮再北之左

基化門 宮再北之右

景運門 建極殿後又東

隆宗門 建極殿後又西

日精門 乾清宮左以下十二門皆東長街

龍光門 乾清宮左小門

崇仁門 先名迎祥

順德左門 先名景和

咸和左門 先名百福

麟趾門 南首先名壽春

千嬰門 北首先名慶安

嘉德左門 卽嘉德門

廣和左門 先名千祥

大成左門 先名長慶

明會要卷七十二

長甯左門即長甯門

瓊苑東門一名嘉福

月華門乾清宮右以下十二門皆西長街

鳳彩門乾清宮右小門

遵義門即膳廚門更

順德右門先名隆福

咸和右門先名廣安

螽斯門首南

百子門首北

嘉德右門先名景福

明會要卷七十二

三

廣和右門先名廣生

大成右門即大成門

長甯右門先名麗景

瓊苑西門一名隆德

丹鳳門龍德殿南以下十二門皆在南城

蒼龍門龍德殿東天順己卯建

重華門以下十門南城中路

永聚門

昭祥門

端拱門

昭德門

廣定門

咸熙門

肅雍門

康和門

麗春門

廣順門

以下五門南
城東長街

中和門

景華門

景明門

宣明門

興善門

以下五門南
城西長街

麗景門

長春門

清華門

高明門

萬壽門

以下二十二
門在西苑

朗祿門

萬壽
宮右

曦福門

萬壽
宮左

含祥門

成瑞門

永康門

永順門

永綏門

永祉門

永和門

迎祉門

納康門

衍慶門

常甯門

常和門

常善門

常輝門

金甯門

攸順門

攸利門

金靜門

金瑞門

酌中志

諸書

闕左右門

端門內東曰闕左門西曰闕右門按李時勉傳王指揮出端西旁門而前校尉已縛時勉從端

已上四門西苑東長街白宮殿至此据明史三編大政記野獲編夢餘錄泳化類編日下舊聞宮史

已上四門西苑西長街即授衣門嘉靖三十七年二月更

明會要卷七十二

東旁門入闕左右門
卽端東西旁門也

皇城內宮城外十二門

東上門東上北門東上南門東中門西上門西上北門西上南門西

中門北門北中門
門北上西門北中門

紫禁城八門

日承天門日端門日午門卽俗所謂五鳳樓也東日左掖門西日右掖門再東日東華門

再西日西華門
北日元武門

皇城外六門

日大明門日長安左門日長安右門日東安門日西安門日北安門俗呼厚載門仍元舊也

京城九門

正統十年定南日正陽南之左日崇文南之右日宣武北之東日安定北之西日德勝東之北

日東直東之南日朝陽西之北日西直西之南日阜城

城外七門

嘉靖三十二年築正南日永定南之左日左安南之右日右安東日廣渠東之北日東便西日

廣甯西之
北日西便

宮殿雜錄

明會要卷七十二

六

吳元年九月癸卯新內成命博士熊鼎編古人行事可爲鑑戒者書於壁間又命侍臣書大學衍義於兩廡壁間帝曰前代宮室多施繪畫予用此以備朝夕觀覽豈不愈於丹青乎時有言瑞州文石可發地者帝曰敦崇儉樸猶恐習於奢華爾乃導予侈麗乎言者慚而退

紀通

洪武元年十二月己巳上退朝還宮太子諸王侍上指宮中隙地謂之曰此非不可起亭臺館榭爲游觀之所誠不忍重傷民力耳昔商紂瓊宮瑤室天下怨之漢文帝欲作

露臺惜百金之費當時國富民安猶不欲耗中人之產以爲一身之娛爾等宜以爲法鑒

大訓記

二年九月以臨濠爲中都營城郭宮殿如京師制八年四月以勞費罷其役

三編

八年改建大內宮殿諭廷臣曰唐虞之時宮室樸素後世窮極侈麗去古遠矣朕今所作不事華飾惟樸素堅固可傳永久使吾子孫守以爲法至於臺榭苑囿之作勞民費財朕決不爲敕所司知之

大訓記

建文元年十二月省躬殿成殿在乾清坤甯二宮間爲退朝燕息之所置古書聖訓其中諭以尚父丹書之旨夏書

明會要卷七十二

七

聲色宮室之戒命學士方孝孺爲之銘

昭代典則

二年八月癸巳承天門災詔求直言從方孝孺議改謹身殿爲正心殿午門爲端門端門爲應門承天門爲臯門前門爲路門

永樂四年閏七月壬戌營北京宮殿分遣大臣宋禮等詣川湖各省採木命秦甯侯陳珪等董治瓴甌徵天下工匠選在京諸衛及河南山東等處軍民赴北京供役期以明年五月興工

宣德八年七月揭幽風圖於殿壁

正統五年三月戊申建北京宮殿初永樂中宮闕未備奉

天華蓋謹身三殿成而復災以奉天門爲正朝至是重建
三殿並修繕乾清坤甯二宮役工匠官軍七萬餘人已上三編

天順六年二月丙戌建東安東上二門大政記

宏治十一年十月甲戌清甯宮災時太監李廣以符籙禱
祀獲寵任勸帝建毓秀亭於萬歲山亭成幼公主殤宮復
災日者謂建亭犯歲忌太后恚曰今日李廣明日李廣果
然災及矣廣懼飲藥死

正德二年八月丙戌作豹房帝爲羣閣盡惑乃於西華門
別構院籙築宮殿而造密室於兩廂句連櫺列謂之豹房
九年正月庚辰乾清宮災十二月甲寅工部奏營建宮室

明會要卷七十二

庀材鳩工計直白金百萬兩請均賦於民歲徵十之二恐
徵輸不及暫於內帑借其半以給用帝終不欲假用內帑
乃於一歲中請徵之於是催科旁午海內騷然矣已上三編

嘉靖四年三月壬午夜仁壽宮災昭聖皇太后所居也八
月戊子工部會議修仁壽宮會世廟大工方興四川湖廣
貴州山林空竭所在災傷請發內帑銀兩及戶部鈔關兵
部馬價工部料價各銀兩以佐工費上不許先是御史葉
忠以災變陳十事其一言修造仁壽宮宜稍損舊制以紓
財力上頗然之仍勅四川巡撫王軌督採大木丁未上以
歲災民困欲暫停仁壽宮工役大學士費宏言昭聖皇太

后久處仁智殿意或未安請以漸修復庶足彰陛下之孝
上曰皇伯母孝奉不可缺小民亦當愛念自是仁壽宮之
建遂不果

十月丁亥作玉德殿景福安喜二宮工部尙書趙璜等以
歲饑財匱請暫停俟仁壽宮完徐議營建不許乙未璜等
復請停玉德殿等工費宏亦以爲言乃罷之遂并罷仁壽
宮召王軌還京

十六年五月戊戌雷震謹身殿鴟吻上問廷臣修省之宜
禮部言謹身殿卽古路寢天子肅容之所也上天示戒宜
求刑政之所以失者而改之報聞仍詔修省如例

已上
實錄

明會要卷七十二

九

十九年三月戊戌詔修西苑仁壽宮

大政記

三十六年四月丙申奉天華蓋謹身三殿災初帝以殿名
奉天非題扁所宜敕禮部議之部臣會議言肇造之初名
曰奉天者昭揭以示虔爾然臨御之際坐而視朝亦似未
安於是重建奉天門成更名曰大朝門四十一年九月壬
午朔三殿成更名奉天殿曰皇極華蓋殿曰中極謹身殿
曰建極文樓曰文昭閣武樓曰武成閣左順門曰會極右
順門曰歸極大朝門曰皇極東角門曰宏政西角門曰宣
治又改乾清宮右小閣曰道心旁左門曰仁蕩右門曰義

四十年十一月辛亥永壽宮災宮在西苑成祖舊宮也上
自二十一年宮婢之變卽徙居此是夜火作禁衛不及救
乘輿服御及先世寶物盡燬上乃暫御玉熙宮編三十二月

丁巳工部尙書雷禮言玉熙宮殿湫隘且地曠近水非可

久御請及時營繕永壽宮先是公卿大臣欲請上還大內

嚴嵩復以徙居南城爲言上皆不悅大學士徐階因請以

三殿大工之餘材趣治永壽宮故工部希指奏之明年三

月宮成上卽日徙居之命曰萬壽宮

實錄

隆慶初王世貞上疏請正殿名以尊治體言太祖名大朝

門曰奉天門殿曰奉天殿以至詔赦誥敕俱以奉天冠之

明會要卷七十二

十

明人主不敢以一人肆於民上無往非奉天也義至精博

願詔門殿仍奉天故號昭象魏之重不報

春明夢餘錄

萬曆七年四月張居正上讎肅殿箴其詞曰北辰紫宮惟

皇宅中身爲民表心與天通斯須不和則乖戾起斯須不

敬則傲慢叢念常生於所忽禍乃積於無窮是以聖人事

心天命是敕欽厥止日謹萬幾處深宮心周八極不以嗜

慾汨利不以逸豫滅德無作好無作惡藹藹熙熙如春斯

煦無荒色無荒禽兢兢惕惕如淵斯臨勿謂燕閒人莫予

觀一喜一怒作人燠寒絃急者絕氣平者安優優和衷爲

君實難勿謂密宥人莫予弼一動一言恆爲度律危懼則

存驕泰則失昭昭神明尚在爾室在昔成周宇內太和由
雖雖其在宮發琴瑟而不頗亦曰懿恭小民懷保由肅肅
其在廟克對揚於祖考我皇濬哲是謂知臨匪高明之不
足實育德於靜深我皇撫運是謂開泰匪豐亨之未臻懼
此心之或汰樂以平其情雖鐘簋不設而若聞希聲然後
心和氣和而天下平禮以飭其志雖升降未施而若持重
器斯謂無逸乃逸而天下治故曰冲和者養威澹泊者養
祿危懼者養安憂勞者養樂以古爲師於何不儀平平周
道惟皇所之以心爲鑑於何不見穆穆文王惟皇所憲朽
索在手勿謂無傷覆車在睫奈何弗防和不見流敬不可

明會要卷七十二

十一

忘慎終如始萬壽無疆

二十五年六月戊寅火起歸極門延至皇極中極建極三
殿文昭武成二閣周圍廊房一時俱燼時帝銳意聚財多
假殿工爲名言者謂天以民困之故災三殿以示儆奈何
復因天災以困民帝不納屢徵木於川廣令輸京師費數
百萬卒被中官冒沒終帝世三殿實未嘗復建也

已上編

親王府

洪武三年七月詔建諸王府

昭代典則

四年正月定親王宮殿制度

大政記

七年定親王所居前殿名承運中曰圓殿後曰存心四城

門南曰端禮北曰廣智東曰體仁西曰遵義

輿服志

九年正月丙寅命中書省臣作親王宮室務從儉樸省臣

奏親王宮飾殊紅室飾大青綠上曰惟儉養德惟侈蕩心

獨不見茅茨卑宮堯禹以興阿房西苑秦隋以亡諸子年

方及冠去朕左右豈可靡麗蕩心

昭代典則

二十四年岷王榘封國岷州二十八年以雲南新附宜親

王鎮撫改雲南有司請營宮殿帝令暫居榘亭俟民力稍

紓後作

岷王傳

二十八年四月辛未詔停造遼王宮室勅武定侯郭英曰

遼東軍務物情來者多言其艱苦邊境營繕不宜盡力以

明會要卷七十二

十一

困之今暫宜停止造作十年之後再為之古人有言人勞

乃易亂之源深可念也

昭代典則

三十年諭工部臣曰諸王在國宮室各有定制宜守禮安

分不許私有興作擾民若有應須造作而不可已者必奏

請方許

同上

宏治時營造諸王府諭永樂宣德之舊禮部尚書倪岳請

頒成式

倪岳傳

秀王見澍就藩汝甯王居隘左右請遷文廟廣之見澍不

聽曰居近學宮時間絃誦聲顧不美乎

本傳

宏治五年湖廣按察使林俊上疏言德安安陸建王府及

增修吉府工役浩繁財費鉅萬民不堪命乞循甯襄德府故事一切省儉勿用琉璃瓦及白石雕闌請著爲例不從

林俊傳

八年尙書馬文升奏洪武年間封建諸王惟秦晉等十府規模宏壯將以懾服人心藉固藩籬其餘諸王府俱各差減蓋恐費民財而勞民力也宣德以後各王府稍加宏麗而北方府州城闢民稀拆毀軍民房屋不致太多今江南府分多有城小人稠聞修造各王府必照北方王府周圍牆垣丈尺及起蓋軍校營房有將軍民房屋拆毀十之二三者甚有拆毀四五者斬山平地多傷風水軍民蕩析苦無所歸乞敕工部轉行湖廣江西諸省修葺各王府官員如係地狹人密之處周圍牆垣不必比照北方王府規式徒使府內空地太多以後起蓋離宮別殿致滋事端有違

祖訓明臣奏議

十八年江西巡撫林俊奏竊見甯殿下累乞琉璃瓦重荷聖諭於引錢內支二萬兩給換鎮巡議奏欲俟年豐定奪工部覆奏謂規制雖相應事體實可止又恐重累地方作例各府皆明言不當與也臣嘗見楚府殿燬久未葺荆府多敝漏淮府同一江西頽垣朽柱脫落大半惟甯府完美堅緻金碧輝煌且移封之初不用琉璃今歷百年傳數世

一旦遽改孝子慈孫所以順祖考者義不當如是伏望聖

明篤懿親斷大義毋涉吳王几杖之賜叔段京鄙之求疏

入帝不納明臣奏議系之宏治五年按明史本傳五年俊

江西諫甯王用琉璃瓦尋以母憂歸證之昭代典則

嘉靖時胡松爲工部尙書伊王典樸欲拓其洛陽府第計

直十萬金以十二賂嚴嵩期必得松據祖制爭乃止胡松

伊王又以府牆壞請更築乃奪取民舍以廣其宮郎中陳

大壯與邸鄰索其居不與使數十人從大壯臥起奪其飲

食竟至餓死所爲宮崇臺連城擬帝闕伊王傳

萬厯二十九年六月新築大內乾德殿御史林道相董其

明會要卷七十二

四

工明年四月道相上言三殿兩宮高不過十二丈今臺高

八丈一尺加以殿宇又復數丈其勢反出宮殿之上禁中

豈宜有此不報實錄

百官第宅

明初禁官民房屋不許雕刻古帝后聖賢人物及日月龍

鳳獅子麒麟犀象之形官員任滿致仕與見任同其父祖

有官身沒子孫許居父祖房舍會典

太祖嘗言徐兄功大未有甯居可賜以舊邸舊邸者太祖

爲吳王時所居也達固辭帝命有司卽舊邸前治甲第表

其坊曰大功徐達傳

洪武二十六年定官員營造房屋不許歇山轉角重簷重
拱及繪藻井惟樓居重簷不禁又詔品官房舍門牖不得
用丹漆庶民廬舍不過三間五架不許用斗拱飾彩色會典
宣德二年保定伯梁銘奏求韓觀南京故宅帝許之既聞
觀妻居其中曰觀功臣也雖沒豈可奪之遂不許令有司
以他宅賜銘韓觀傳

天順初帝命所司爲石亨營第宅既成壯麗踰制帝登翔
鳳樓見之問誰所居恭順侯吳瑾謬對曰此必王府帝曰
非也瑾曰非王府誰敢僭踰若此帝領之石亨傳

天順二年言官劾尙書陳汝言僭居駙馬第宅私役工匠

明會要卷七十二

五

千餘人造舍違式

春明夢餘錄

嘉靖二年七月壬午賜后父都督同知陳萬言第於西安
門命工部營造工部言其地偏近宸居閱廣踰制宜裁其

半實錄

武定侯郭勛欲得虎賁左衛以廣其第使指揮王琬等言
衛湫隘不足居吏士而民郭順者願以宅易之順勛家奴
也其宅更湫隘給事中鄭一鵬張嵩劾勛以敝宅易公署
驕縱罔上昔竇憲改沁水園卒以逆誅勛謀朝廷武衛其
惡豈止憲比請正其罪鄭一鵬傳

趙文華掌工部時上於西苑造新閣不以時告成一曰登

高見西長安街有高薨問誰宅左右曰趙尙書新宅也旁
一人曰工部大木半爲文華作宅何暇營新閣上益愠文華
傳

明會要卷七十二

十六

明會要卷七十二終

明會要卷七十三

永新龍文彬纂

方域三

十三布政司分轄道

山東分道

濟南道轄濟南府

東兗道轄東昌兗州二

府海右道轄青登萊三府

山西分道

冀甯道轄太原府

河東道轄平陽府冀

北道轄大同府冀南道轄潞安府及沁澤遼汾四州

陝西分道

關內道轄西安府

關西道轄平涼鳳翔二

府關南道轄漢中府河西道轄慶陽延安二府隴

明會要卷七十三

右道轄鞏昌臨洮二府

河南分道

大梁道轄開封歸德二府

河南道轄河南

府汝州汝南道轄南陽汝甯二府河北道轄彰德衛

輝懷慶三府

浙江分道

杭嚴道轄杭嚴二府

嘉湖道轄嘉湖二府

甯紹道轄甯紹台三府金衢道轄金衢二府溫處道

轄溫處二府

江西分道

南昌道轄南昌瑞州二府

湖東道轄廣信

建昌撫州三府湖西道轄吉安臨江袁州三府九江

道轄饒州南康九江三府嶺北道轄贛州南安二府

湖廣分道七 武昌道轄武昌漢陽黃州三府 荆西道轄

安陸德安二府 上荆南道轄荊州岳州二府 下荆南

道轄襄陽鄖陽二府 湖北道轄常德辰州二府及靖州

上湖南道轄衡州永州二府及郴州 下湖南道轄長

沙寶慶二府

四川分道五 川西道轄成都龍安二府及潼川州 川北

道轄保甯順慶二府 川東道轄重慶夔州二府 川南

道轄敘州馬湖二府及鎮雄東川二軍民府嘉定眉瀘印

四州 上川南道轄雅州府及建昌行都司

福建分道四 福甯道轄福州興化泉州三府及福甯州

明會要卷七十三

武平道轄邵武延平二府 建甯道轄建甯府 漳南道

轄汀州漳州二府

廣東分道五 嶺南道轄廣州韶州南雄三府 嶺東道轄

惠州潮州二府 嶺西道轄肇慶高州二府 海北道轄

廉州雷州二府 海南道轄瓊州府

廣西分道四 桂平道轄桂林平樂二府 蒼梧道轄梧州

府 左江道轄南甯潯州太平三府 右江道轄柳州慶

遠思恩思明鎮安五府

雲南分道四 安普道轄雲南曲靖尋甸三府 臨元道轄

澂江臨安廣西廣南元江五府及新化州 洱海道轄姚

安楚雄武定景東鎮沅五府 金滄道轄大理永昌鶴慶

麗江順慶永甯蒙化七府及北勝州

貴州分道 貴甯道轄貴陽府 威清道轄安順等州

都清道轄鎮遠黎平都勻三府 思石道轄思州思南銅

仁石阡四府

州縣改置上

京師禹貢冀充豫三州之域

順天府元大都路洪武元年改爲北平府永樂元年建北

京改北平爲順天府十九年改北京爲京師 固安東

安二縣元皆爲州洪武元年降爲縣 香河縣元屬漵

明會要卷七十三

三

州洪武十年省入州十三年復置改屬府○通州洪武

初以州治潞縣省入 武清縣元屬漵州洪武十二年

來屬 漵縣元漵州洪武十四年降爲縣來屬 寶坻

縣元隸大都路洪武十年來屬○霸州洪武初以州治

益津縣省入 保定縣洪武七年省入霸州十三年復

置○涿州洪武初以州治范陽縣省入○昌平州元昌

平縣隸大都路正德元年升爲州 順義縣元順州洪

武元年改爲順義縣屬府正德元年來屬 懷柔縣洪

武元年省入檀州尋復分密雲昌平二縣地置屬府正

德元年來屬 密雲縣元檀州洪武元年改爲密雲縣

屬府正德元年來屬○薊州洪武初以州治漁陽縣省入 平谷縣洪武十年省入三河縣十三年復置

保定府 滿城縣洪武十年省入慶都縣十三年復置

安肅縣元爲州洪武二年降爲縣 定興縣元屬易州

洪武六年改屬府 新城縣元屬雄州洪武初屬北平

府六年改屬府 雄縣元雄州洪武二年省州治歸信

縣入焉七年降爲縣 容城縣元屬雄州洪武七年省

入州十三年復置來屬 博野縣元直隸保定路洪武

元年屬祁州六年還屬府 蠡縣元蠡州屬真定路洪

武二年來屬八年降爲縣 完縣元完州洪武二年降

明會要卷七十三

四

爲縣○祁州洪武二年以州治蒲陰縣省入○安州洪

武二年以州治葛城縣省入七年降爲縣十三年復升

爲州 高陽縣元屬安州洪武六年改屬府尋屬蠡州

八年省入蠡縣十三年復置還屬 新安縣元直隸保

定路洪武七年省入安州十三年復置來屬○易州洪

武初以州治易縣省入

河間府 獻縣元獻州洪武初省州治樂壽縣入焉八年

降爲縣 阜城縣元屬景州洪武七年改屬府 任邱

縣元屬莫州洪武七年改屬府 交河縣元屬獻州洪

武八年改屬府十年省入獻縣十三年復置 青縣元

清州洪武八年改爲青縣 興濟縣元屬清州洪武初
省十三年復置屬府 靜海縣元曰靖海屬清州洪武
初更名八年改屬北平十年來屬○景州洪武初以州
治舊縣省入 東光縣洪武七年省入阜城縣十三年
復置○滄州洪武初以州治清池縣省入 慶雲縣元
初分無棣縣之半置西無棣縣屬滄州永樂初避諱改
曰慶雲

方輿
紀要

眞定府 井陘縣元屬廣平路威州洪武二年來屬 無
極縣元屬中山府洪武初廢四年復置屬定州七年來
屬 行唐縣元屬保定路洪武二年屬定州正統十三

年來屬

明會要卷七十三

五

定州元中山府洪武二年改定州三年以州治安喜縣省
入 曲陽縣元屬保定路洪武二年來屬○冀州洪武
二年以州治信都縣省入○晉州洪武二年以州治鼓
城縣省入○趙州洪武元年以州治平棘縣省入 隆
平縣洪武六年省入柏鄉縣十三年復置○深州洪武
二年以州治靜安縣省入

順德府 廣宗縣洪武十年省入平鄉鉅鹿二縣十三年
復置

廣平府 成安縣元屬磁州洪武初廢四年復置來屬

威縣元威州洪武二年降爲縣 邯鄲縣元屬磁州洪武元年來屬 清河縣元屬大名路洪武六年來屬

大名府 大名縣洪武十年省入魏縣十五年復置 清

豐縣元屬開州洪武七年來屬 內黃縣元屬滑州洪

武七年來屬 濬縣元濬州洪武二年降爲縣 滑縣

元滑州洪武七年省州治白馬縣入焉七年降爲縣○

開州洪武二年以州治濮陽縣省入 東明縣洪武十

年省入州及長垣縣宏治四年復置屬府萬厯中改屬

州

永平府 灤州洪武二年以州治義豐縣省入

延慶州元龍慶州屬大都路洪武初廢永樂十二年置隆

慶州直隸京師隆慶元年改曰延慶州 永甯縣本永

甯衛洪武十二年置永樂十二年置縣於衛所

保安州元屬上都路之順甯府洪武初廢永樂十三年復

置直隸京師

南京

應天府元集慶路太祖初改曰應天府洪武元年建都曰

南京十一年曰京師永樂二年以爲行在正統六年定

爲南京 溧陽溧水二縣元皆爲州洪武二年降爲縣

高淳縣宏治四年析溧水縣地置 江浦縣洪武九

年析六合縣及滁和二州地置 六合縣元屬眞州洪武三年隸揚州府二十二年來屬

鳳陽府元濠州太祖吳元年升爲臨濠府洪武二年建中都置留守司於此六年曰中立府七年曰鳳陽府 鳳陽縣洪武七年析臨淮縣地置 臨淮縣元曰鍾離爲濠州治洪武二年改曰中立尋改曰臨淮 五河縣元屬泗州洪武四年來屬 虹縣元屬泗州洪武七年來屬○壽州元安豐路太祖初改壽春府吳元年曰壽州後以州治壽春縣省入來屬○泗州元屬淮安路明初屬臨濠府洪武四年來屬後以州治臨淮縣省入○宿州元屬歸德府洪武四年來屬○潁州元屬汝甯府洪武四年來屬○亳州元屬歸德府洪武初以州治譙縣省入尋爲縣屬潁州宏治九年復升爲州

明會要卷七十三

七

淮安府 安東縣元安東州洪武二年降爲縣 桃源縣元曰桃園洪武初更名 沭陽縣元屬海甯州洪武初改屬○海州元曰海甯州洪武初曰海州以州治朐山縣省入○邳州元屬歸德府洪武初以州治下邳縣省入十五年來屬

揚州府元爲路太祖初曰淮海府尋曰維揚府後復曰揚州府 江都縣元末廢太祖初復置 儀眞縣元眞州

洪武二年以州治揚子縣省入改曰儀真縣○高郵州元高郵府洪武元年降爲州以州治高郵縣省入○泰州洪武初以州治海陵縣省入○通州洪武初以州治靜海縣省入

蘇州府元平江路明初改爲蘇州府 吳江崑山常熟嘉定四縣元皆爲州洪武二年皆降爲縣○太倉州明初置太倉衛宏治十年置州於衛所析崑山常熟嘉定三縣地益之 崇明縣元崇明州屬揚州路洪武二年降爲縣八年改屬蘇州府宏治十年來屬

松江府 青浦縣嘉靖二十一年析華亭上海二縣地置三十二年廢萬厯元年復置

明會要卷七十三

八

常州府明初曰長春府尋曰常州府萬厯末避諱曰嘗州府 武進縣明初改曰永定尋以晉陵地省入復改曰武進 無錫宜興二縣元皆爲州洪武二年降爲縣 江陰縣元江陰州明初改曰連洋州尋復曰江陰州後降爲縣 靖江縣成化八年以江陰縣馬馱沙置鎮江府明初曰江淮府尋曰鎮江府

廬州府 廬江縣元屬無爲州洪武初改屬府○無爲州洪武中以州治無爲縣省入○六安州元隸廬州路洪武四年屬鳳陽府以州治六安縣省入十六年還屬

霍山縣宏治二年析六安州地置

安慶府明初曰甯江府尋曰安慶府 潛山縣元末廢洪

武初復置

太平府

池州府明初曰九華府尋曰池州府

甯國府明初曰宣城府尋曰宣州府吳元年曰甯國府

徽州府明初曰興安府吳元年曰徽州府 婺源縣元婺

源州洪武二年降為縣

徐州元屬歸德府洪武四年屬鳳陽府十四年直隸京師

沛縣元屬濟州吳元年來屬按元史濟州領縣三沛縣其一濟甯路領縣七

明會要卷七十三

九

無沛縣明史概言屬濟甯路非也 豐縣碭山縣元屬濟甯路吳元年來

屬

滁州元隸揚州路洪武初以州治清流縣省入七年屬鳳

陽府二十二年直隸京師 全椒來安二縣皆洪武初

省十三年復置

和州元屬廬州路吳元年以州治歷陽縣省入洪武三年

復為和州屬鳳陽府尋直隸京師 含山縣洪武初省

十三年復置

廣德州元為路明初為廣興府洪武四年曰廣德州十三

年以州治廣德縣省入直隸京師

濟南府 淄川縣元般陽路洪武初爲般陽府九年爲淄
川州以州治淄川縣省入十二年降爲縣 長山新城
二縣元屬般陽路洪武十二年來屬 齊河縣元屬德
州洪武二年來屬 禹城縣元屬曹州洪武二十年來
屬 齊東臨邑二縣元屬河間路皆洪武初來屬 長
清縣元屬泰安州洪武二年改屬府 肥城縣元屬濟
甯路洪武二年來屬 青城縣元屬河間路洪武二年
省入鄒平齊東二縣十四年復置來屬 陵縣元德州
治安德縣洪武中省安德縣入州永樂七年改陵縣爲

德州而以故州爲陵縣○泰安州洪武初來屬以州治
奉符縣省入 萊蕪縣洪武初屬濟南府二年改屬州

○德州元隸河間路陵州洪武元年降爲陵縣永樂七
年改德州爲陵縣而以故陵縣爲德州

乾隆
圖志

○武定州

元棣州屬濟南路洪武六年改曰樂安州宣德元年改
爲武定州 海豐縣元割無棣縣之半屬棣州曰東無

棣縣明永樂中避諱改曰海豐 樂陵縣元屬滄州洪

武元年改屬濟甯府二年來屬○濱州洪武初以州治
渤海縣省入 蒲臺縣元屬般陽路洪武二年來屬

兗州府 滋陽縣元曰磁陽洪武初省入州十八年復置

成化間改爲滋陽 鄒縣元屬滕州洪武七年改屬

滕縣元滕州治滕縣洪武二年州廢以縣屬濟甯府十八年來屬 嶧縣元嶧州屬益都路洪武二年降爲縣

屬濟甯府後來屬 金鄉縣元屬濟甯路洪武十八年來屬 魚臺縣元屬濟州洪武元年屬徐州二年屬濟

甯府十八年來屬 單縣元單州屬濟甯路洪武元年省州治單父縣入州二年降州爲縣屬濟甯府十八年

來屬 城武縣元屬曹州洪武四年屬○濟甯州元濟甯路洪武元年改爲府十八年降爲州以州治任城縣

省入 嘉祥縣元屬單州洪武二年來屬○東平州元

明會要卷七十三

二

東平路洪武元年改爲府七年降爲州屬濟甯府以州

治須城縣省入十八年改屬 壽張縣洪武三年省入

須城陽穀二縣十三年復置屬濟甯府後來屬○曹州

元直隸省部洪武初廢正統十年復置來屬 曹縣洪

武初降曹州爲縣正統十一年別置曹州以縣屬焉

定陶縣元屬曹州洪武初屬濟甯府正統十年來屬○

沂州元屬益都路洪武元年屬濟甯府五年屬濟南府

七年屬青州府十八年來屬

東昌府 博平縣洪武三年省尋復置 清平縣元屬德

州洪武元年屬恩州二年屬高唐州三年省尋復置改

屬 冠縣元冠州洪武三年降爲縣○臨清州元臨清縣屬濮州洪武二年改屬宏治二年升爲州 邱縣元隸東昌路宏治二年改屬州 館陶縣元屬濮州洪武二年屬東昌府宏治二年改屬州○高唐州洪武初以州治高唐縣省入來屬 恩縣元恩州洪武二年改爲縣來屬 夏津縣洪武三年省尋復置○濮州洪武二年以州治鄆城縣省入來屬 范縣觀城縣朝城縣皆洪武三年省尋復置

青州府元益都路吳元年爲青州府 博興縣元博興州

洪武二年降爲縣 昌樂縣元屬濰州洪武初改屬

安邱縣元屬密州洪武二年州廢屬府 諸城縣元爲密州治屬益都路洪武二年州廢屬府 蒙陰縣元屬莒州洪武二年改屬○莒州元隸益都路洪武初以州治莒縣省入來屬

萊州府○平度州洪武二十二年置省膠水縣入之 濰

縣元爲州屬益都路洪武元年以州治北海縣省入九年降爲縣屬萊州府二十二年改屬 昌邑縣元屬濰

州洪武十年省入濰縣二十二年復置來屬○膠州元屬益都路洪武初以州治膠西縣省入九年來屬 高

密卽墨二縣元屬膠州洪武初省屬青州府九年屬萊

州府尋還屬州

登州府 蓬萊縣洪武初廢九年復置 招遠萊陽二縣

元屬萊州洪武九年來屬○甯海州洪武初以州治牟

平縣省入屬萊州府九年改屬 文登縣元屬甯海州

洪武九年屬登州府後仍屬州

山西 禹貢冀州之域

太原府元冀甯路洪武元年改爲太原府 孟縣元孟州

洪武二年降爲縣 靜樂縣元管州洪武二年改爲靜

樂縣 河曲縣元省洪武十三年復置○忻州洪武初

以州治秀容縣省入○代州洪武二年降爲縣八年復

明彙卷七十三

三

升爲州 五臺縣元臺州洪武二年改爲五臺縣屬太

原府八年來屬 繁峙縣元堅州洪武二年改爲繁峙

縣八年來屬 崞縣元崞州洪武二年降爲縣八年來

屬○岢嵐州本岢嵐縣洪武七年置八年升爲州 嵐

縣興縣元皆爲州洪武二年降爲縣 保德州洪武七

年降爲縣九年復升爲州屬府

平陽府元晉甯路洪武元年改爲平陽府 趙城縣元屬

霍州洪武三年改屬 太平曲沃翼城三縣元屬絳州

洪武二年改屬 蒲縣元屬隰州洪武二年改屬 靈

石縣元屬霍州萬厯二十三年屬汾州四十三年改屬

○蒲州元河中府洪武二年改爲蒲州以州治河東縣省入○解州洪武初以州治解縣省入○絳州洪武初以州治正平縣省入○霍州洪武初以州治霍邑縣省入○隰州元隸晉甯路洪武初以州治隰川縣省入改屬

汾州府 汾陽縣元曰西河洪武初省入州萬厯二十三年復置更名 石樓縣元屬隰州萬厯四十年改屬

臨縣元臨州屬冀甯路洪武二年降爲縣屬太原府萬厯二十三年來屬○永甯州元石州屬冀甯路洪武初以州治離石縣省入隆慶元年更名萬厯二十三年來

屬

潞安府元潞州屬晉甯路嘉靖八年升爲潞安府 長治

縣元上黨縣洪武初省入潞州嘉靖八年復置更名

平順縣嘉靖八年析黎城壺關潞城三縣地置

大同府○應州洪武初以州治金城縣省入○朔州洪武初以州治鄯陽縣省入○蔚州元蔚昌府直隸上都路洪武二年爲州以州治靈仙縣省入改屬 廣昌縣元

曰飛狐洪武初更名

澤州元隸晉甯路洪武初以州治晉城縣省入九年直隸

布政司

沁州元屬晉甯路洪武初以州治銅鞮縣省入隸布政司
萬厯二十三年改屬汾州府三十二年仍直隸布政司
遼州元隸晉甯路洪武初以州治遼山縣省入直隸布政
司

河南禹貢豫冀揚
兗四州之域

開封府元汴梁路洪武元年曰開封府建北京尋罷京

儀封縣元屬睢州洪武十年改屬南陽府後來屬 新

鄭縣元屬均州隆慶五年改屬○陳州洪武初以州治

宛邱縣省入 商水縣洪武初廢四年復置 沈邱縣

元屬潁州洪武初廢宏治十年復置來屬○許州洪武

明會要卷七十三

五

初以州治長社縣省入○禹州元曰均州洪武初以州

治陽翟縣省入萬厯三年避諱改曰禹州○鄭州洪武

初以州治管城縣省入 滎澤縣元直隸汴梁路洪武

中改屬州

河南府 澠池縣元屬陝州洪武中改屬 嵩縣元嵩州

屬南陽府洪武二年降爲縣來屬 盧氏縣元屬嵩州

洪武初屬陝州萬厯初改屬府○陝州洪武初以州治

陝縣省入

歸德府 商邱縣元曰睢陽洪武初省嘉靖二十四年復

置更名 鹿邑縣元屬亳州洪武中改屬 夏邑縣元

曰下邑洪武初更名 永城縣洪武元年五月屬開封府十一月來屬 虞城縣元屬濟甯路洪武二年來屬
○睢州元屬汴梁路洪武初屬開封府以州治襄邑縣省入十年降爲縣十三年復升爲州嘉靖二十四年改屬 考城縣元末省洪武四年置屬開封府十年省十三年復置來屬 柘城縣元末省洪武四年復置屬開封府十年省入甯陵縣十三年復置來屬

汝甯府 汝陽縣洪武初廢四年復置 眞陽縣元屬息州洪武四年省入汝陽縣宏治十八年復置來屬 上

蔡縣洪武初廢四年復置 新蔡縣元屬息州後廢洪

明會要卷七十三

六

武四年復置來屬 確山縣洪武十年省入汝陽縣十三年復置成化十一年改屬信陽州宏治二年仍屬府
○信陽州洪武元年置十年降爲縣成化十二年復爲州 羅山縣洪武十年直隸汝甯府成化十一年改屬州
○光州洪武初以州治定城縣省入屬鳳陽府十三年改屬 息縣元息州洪武四年降爲縣屬潁州七年改屬 商城縣成化十一年析固始縣地置

南陽府 鎮平縣洪武二年省入南陽縣十三年復置

唐縣元唐州洪武初省縣入州後廢州爲唐縣 泌陽

縣洪武初省入唐州十四年改置泌陽縣於故北陽地

已上三縣 乾隆圖志 桐柏縣成化十二年以唐縣桐柏鎮置 南

召縣成化十二年以南陽縣南召堡置 ○鄧州元治穰
縣洪武初廢十三年復置縣十四年復省入州 浙川

縣成化六年析內鄉縣地置 裕州洪武初以州治方
城縣省入

懷慶府 濟源縣元屬孟州洪武十年改屬府 孟縣元
孟州洪武初以州治河陽縣省入十年降爲縣 溫縣

元屬孟州洪武十年改屬府

衛輝府 昨城縣洪武十年省入汲縣十三年復置 獲

嘉縣洪武十年省入新鄉縣十三年復置 淇縣輝縣

明會要卷七十三

元皆爲州洪武初降爲縣

彰德府 臨漳湯陰二縣皆元末廢洪武元年復置 林

縣元林州洪武三年省縣入州尋降州爲縣 ○磁州元

屬廣平路洪武初以州治滏陽縣省入屬廣平府二年

改屬 武安縣元末廢洪武元年復置 涉縣元屬眞

定路後廢洪武元年復置屬眞定府二年改屬

汝州元屬南陽府洪武初以州治梁縣省入成化十二年

直隸布政司 寶豐縣成化十一年析汝州地置 伊

陽縣成化十二年析汝州及魯山嵩縣地置

西安府元奉元路洪武二年改爲西安府 渭南縣元屬

華州明初因之嘉靖三十八年改屬 富平縣元屬耀州

州明初因之萬厯三十六年改屬 三原縣元屬耀州

明初因之宏治初改屬 醴泉縣元屬乾州明初因之

嘉靖三十八年改屬○商州洪武七年降爲縣成化十

三年仍爲州 商南縣成化十三年析商縣地置 雒

南縣元曰洛南屬商州洪武七年改屬華州成化十三

年復來屬天啟初改洛爲雒 山陽縣成化十二年析

商縣地置 鎮安縣景泰三年置屬府成化十三年改

屬州○邠州元隸陝西行省洪武初來屬以州治新平

明實卷七十三

六

縣省入 三水縣成化十三年析淳化縣地置 長武

縣萬厯十一年以邠州宜祿鎮置

鳳翔府 郿縣元屬奉元路洪武二年來屬 汧陽縣元

屬隴州嘉靖三十八年改屬府 隴州元屬鞏昌總帥

府洪武二年來屬

漢中府元興元路洪武三年改名漢中府 褒城縣洪武

十年省入南鄭縣後復置 洋縣元洋州洪武三年降

爲縣十年省入西鄉後復置 鳳縣元鳳州洪武七年

降爲縣 沔縣元沔州隸四川廣元路洪武三年改屬

漢中府省州治鐸水縣入州七年降爲縣成化二十一

年屬甯羌州嘉靖三十八年仍屬府○甯羌州本甯羌
衛洪武三十年以沔縣地置成化二十一年置甯羌州
屬漢中府 略陽縣元屬沔州洪武初屬府成化二十
一年來屬

延安府 青澗縣元屬綏德州明初因之嘉靖四十一年
改屬府○綏德州洪武十年省入府後復置○葭州洪
武七年降爲縣屬綏德州十三年復升爲州屬府 吳
堡縣元屬州洪武七年改屬綏德尋省十三年復置還
屬 神木府谷二縣皆洪武初省十三年復置

慶陽府 環縣元環州屬鞏昌路洪武初降爲縣來屬

明會要卷七十三

九

眞甯縣元屬甯州明初因之萬厯二十九年改屬府○
甯州元屬鞏昌路洪武中來屬

平涼府 鎮原縣元鎮原州屬鞏昌路洪武初降爲縣來
屬 隆德縣元屬靖甯州明初因之嘉靖三十八年改
屬府○涇州元隸陝西行省洪武三年以州治涇川縣
省入來屬○靜甯州元屬鞏昌路洪武中來屬 莊浪
縣元爲州洪武三年屬鳳翔府八年降爲縣來屬○固
原州元開成州洪武初降爲縣屬平涼府成化中廢宏
治十五年改固原州

鞏昌府 安定會甯西和成縣四縣元皆爲州洪武十年

降爲縣○秦州洪武二年省州治成紀縣入州 禮縣
洪武初置禮店千戶所成化九年改置禮縣屬州○階
州洪武四年降爲縣十年復爲州 文縣元文州洪武
四年降爲縣○徽州洪武十年降爲縣後復升爲州
兩當縣洪武十年省入徽縣後復置

臨洮府 蘭州洪武初降爲縣成化十三年復爲州 金
縣元金州洪武二年降爲縣屬府成化十三年改屬州
○河州元爲路屬吐蕃宣慰司洪武三年置河州衛五
年改置河州府七年置陝西行都司十年置河州左右
二衛十二年省行都司及河州府仍改置河州衛景泰
二年復置河州屬臨洮府

靈州元屬甯夏路洪武三年罷宏治十三年復置直隸布
政司

興安州元金州屬興元路萬厯十一年更名二十三年直
隸布政司 平利縣元末省洪武三年置屬四川大甯
州五年來屬 石泉縣元末省洪武三年置屬四川大
甯州五年來屬嘉靖三十八年改屬漢中府萬厯十一
年還屬州 洵陽縣元末省洪武三年置五年來屬

漢陰縣元末省洪武三年置十年省入石泉縣後復置
屬州嘉靖三十八年改屬漢中府萬厯十一年還屬州

白河縣成化十二年析洵陽縣地置屬湖廣鄖陽府
十三年來屬 紫陽縣正德七年置紫陽堡明年升爲
縣

四川

禹貢梁荆
二州之域

成都府 雙流縣洪武十年省入華陽縣十三年復置

新繁縣洪武十年省入成都縣十三年復置 彭縣元

爲州洪武十年降爲縣 崇甯縣元屬彭州洪武四年

屬府十年省入灌縣十三年復置 灌縣元灌州洪武

中降爲縣 金堂縣洪武十年省入新都縣十三年復

置 井研縣洪武六年置十年省入仁壽縣十三年復

明實錄卷七十三

三

置 資縣明玉珍置資州洪武初降爲縣 安縣元安

州洪武中降爲縣○簡州洪武六年降爲縣正德八年

又升爲州 資陽縣洪武六年置十年省入簡縣成化

元年復置屬成都府正德中改屬州○崇慶州洪武中

以州治晉原縣省入○漢州明玉珍置雒縣爲州治洪

武四年省縣入州 什邡縣洪武十年省入綿竹縣十

三年復置 德陽縣洪武十年省入漢州十三年復置

○綿州元屬潼川府洪武三年來屬十年降爲縣十三

年復爲州 羅江縣洪武六年省入綿州十三年復置

彰明縣洪武十年省入綿縣十三年復置○茂州洪

武中以州治汶山縣省入十六年復置縣後復省○威州元以州治保甯縣省入明玉珍復置縣洪武二十年復省縣入州 保縣洪武六年分保甯縣地置

保甯府 蒼溪南部二縣洪武十年省入閩中縣十三年

復置 廣元縣元廣元路洪武四年改爲府尋降爲州

以州治綿谷縣省入二十二年又降州爲縣 昭化縣

洪武十年省入廣元州十三年復置○劍州元屬廣元

路洪武六年以州治普安縣省入來屬○巴州元屬廣

元路洪武九年以州治化城縣省入又改州爲縣來屬

正德九年復爲州 通江縣元屬府正德九年改屬州

明會要卷七十三

三

南江縣正德十一年置

順慶府 西充縣洪武十年省入南充縣十三年復置○

蓬州洪武中以州治相如縣省入 營山儀隴二縣洪

武十年省入蓬州十三年復置○廣安州元廣安府洪

武四年降爲州十年以州治渠江縣省入 渠縣元渠

州屬順慶路洪武初以州治流江縣省入九年降州爲

縣 鄰水縣元省入大竹縣成化二年復置 大竹縣

元屬渠州洪武九年來屬

夔州府 奉節縣洪武九年省十三年復置 大昌縣元

併入大甯州洪武十四年復置 大甯縣元爲州洪武

九年降爲縣 雲陽縣萬縣開縣元皆爲州洪武六年降爲縣 梁山縣元梁山州治梁山縣洪武六年省州存縣十年改屬忠州後來屬 新甯縣元屬達州洪武二年改屬重慶府十年省入梁山縣十三年復置來屬 建始縣元屬施州洪武中來屬○達州洪武九年省通川入州又降州爲縣正德九年復升爲州 東鄉縣成化元年置 太平縣正德十年析東鄉縣地置

重慶府 璧山縣成化十九年析巴縣地置 永川榮昌二縣皆洪武六年置 大足縣元廢入合州洪武四年復置 安居縣成化十七年析銅梁遂甯二縣地置

明會要卷七十三

重

碁江縣元碁江長官司屬播州安撫司洪武初置碁江縣來屬 南川縣洪武十年省入碁江縣十三年復置 長壽縣洪武六年置屬涪州尋改屬府 黔江縣元屬紹慶府洪武五年省入彭水縣十四年復置來屬○合州洪武中以州治石照縣省入○忠州洪武中以州治臨江縣省入 酆都縣元曰豐都洪武十年省入涪州十三年復置曰酆都○涪州 武隆縣元曰武龍洪武十年省入彭水縣十三年復置曰武隆 彭水縣元紹慶府治洪武四年府廢改屬重慶府十年來屬州

遵義軍民府洪武五年歸附曰播州宣撫司六年升宣慰

司萬厯二十九年改置遵義軍民府 遵義縣洪武五
年置播州長官司萬厯二十九年改縣 桐梓縣洪武
初置桐梓驛萬厯二十九年改驛置縣○眞安州洪武
十七年置眞州長官司萬厯二十九年置眞安州 綏
陽縣萬厯二十九年以舊綏陽縣地置 仁懷縣萬厯
二十九年以舊懷陽縣地置

敘州府 慶符縣洪武十年省入宜賓縣十三年復置

富順長甯二縣元爲州洪武初皆降爲縣 興文縣元
戎州洪武四年降爲縣萬厯二年改曰興文 隆昌縣

隆慶元年割榮昌富順二縣地置○高州元屬敘南宣

明會要卷七十三

西

撫司洪武五年降爲縣屬府正德十三年復爲州 筠
連縣元爲州隸永甯路洪武四年降爲縣屬敘州府十
年省入高縣十三年復置正德十三年來屬 珙縣明
王珍置珙州洪武四年降爲縣十年省入高縣十三年
復置屬府正德十三年來屬

龍安府元龍州洪武二十三年改龍州軍民千戶所尋復
爲州宣德七年改宣撫司嘉靖四十五年改龍安府

平武縣本名甯武萬厯十八年置後更名 江油縣洪

武十年省入梓潼縣十三年復置屬劍州嘉靖四十五

年改屬 石泉縣元屬安州洪武初屬成都府嘉靖四

十五年改屬

馬湖府 屏山縣本泥溪長官司洪武四年置萬厯十七年改縣

鎮雄府元芒部路洪武十五年爲府十七年升爲軍民府嘉靖五年改府名萬厯三十七年罷稱軍民府

烏蒙軍民府

烏撒軍民府

東川軍民府元東川路洪武十五年爲府十七年升爲軍民府二十一年廢二十六年復置

潼川州元潼川府洪武九年降爲州以州治鄭縣省入直

明會要卷七十三

置

隸布政司 射洪縣洪武十年省入鹽亭縣十二年復

置 中江縣洪武十年省入州十三年復置 遂甯縣

元爲州洪武初以州治小溪縣省入九年降爲縣乾隆志

蓬溪縣元屬遂甯州洪武十年省入遂甯縣十三年復

置 安岳縣洪武四年於縣置普州九年省州入縣

樂至縣成化元年置屬州正德九年改屬簡州嘉靖元年還屬

眉州元隸嘉定路洪武九年降爲縣十三年復爲州直隸

布政司 彭山縣洪武十年省入眉縣十三年復置

丹棱縣洪武六年置屬嘉定府十年省入眉縣十三年

復置來屬 青神縣洪武十年省入嘉定州十三年復置

印州元隸嘉定路洪武九年降爲縣成化十九年復爲州直隸布政司 大邑縣洪武十年省入印縣十三年復置屬嘉定州成化十九年還屬 蒲江縣元省入州洪武六年置屬嘉定府成化十九年還屬

嘉定州元爲路洪武四年爲府九年降爲州以州治龍遊縣省入直隸布政司 洪雅縣元省入夾江成化十八年復置 榮縣本榮州洪武九年降爲縣 威遠縣洪武六年置十年省入榮縣十三年復置

明會要卷七十三

美

瀘州元屬重慶路洪武初直隸布政司

雅州元屬陝西行省吐蕃宣慰司洪武四年以州治嚴道縣省入直隸布政司 名山縣洪武十年省入州十三年復置 榮經縣元省入嚴道縣洪武十三年復置 蘆山縣元曰蘆山後省洪武六年復置改爲蘆山

永新龍文彬纂

方域四

江西禹貢揚州之域

南昌府元龍興路太祖初改洪都府尋改南昌府 豐城

縣元富州洪武九年改為豐城縣 甯州元分甯縣為

甯州治洪武初廢州為甯縣宏治十六年升縣為州

瑞州府 新昌縣元為州洪武初降為縣

九江府元江州路太祖初為九江府

南康府太祖初改西甯府尋曰南康府 建昌縣元為州

明會要卷七十四

一

洪武初降為縣 安義縣正德十三年析建昌縣安義等五鄉置

饒州府太祖初改鄱陽府尋曰饒州府 餘干樂平浮梁

三縣元為州洪武四年降為縣 萬年縣正德七年割

鄱陽餘干樂平貴溪四縣地置

廣信府 鉛山縣元為州洪武二年降為縣 興安縣嘉

靖三十九年析弋陽上饒二縣地置

建昌府太祖初改肇慶府尋曰建昌府 南豐縣元為州

洪武初降為縣 瀘溪縣洪武三年置瀘溪巡檢司萬

厯六年改為縣

撫州府太祖初改臨川府尋曰撫州府 東鄉縣正德七年析臨川金溪進賢餘干安仁五縣地置

吉安府 泰和吉水安福永新四縣元爲州洪武二年降爲縣

臨江府 新淦新喻二縣元爲州洪武初降爲縣 峽江縣嘉靖五年析新淦縣地置

袁州府 萍鄉縣元爲州洪武初降爲縣

贛州府 會昌甯都二縣元爲州洪武初降爲縣 瑞金縣元屬會昌州洪武初改屬府 安遠龍南石城三縣

元屬甯都州洪武初改屬府 定南縣隆慶三年析龍

明會要卷七十四

二

南安遠信豐三縣地置 長甯縣萬厯四年析安遠縣地置

南安府 上猶縣元永清縣洪武初更名 崇義縣正德十四年析上猶大庾南康三縣地置

湖廣 禹貢荆揚梁豫四州之域

武昌府 ○興國州元興國路明初爲府洪武九年降爲州以州治永興縣省入來屬

漢陽府 漢陽縣洪武九年省十三年復置 漢川縣元屬漢陽路洪武九年改屬武昌府十三年還屬

黃州府 黃安縣嘉靖四十二年析麻城黃岡黃陂三縣

地置 蘄水羅田二縣元屬蘄州路洪武十一年改屬
府○蘄州元爲路明初爲府洪武九年降爲州以州治
蘄春縣省入來屬

承天府元安陸府洪武九年降爲州嘉靖十年升爲承天
府 鍾祥縣元曰長壽縣洪武九年省入州嘉靖十年
復置更名 潛江縣元屬中興路洪武十年來屬○荆
門州洪武初改爲縣以州治長林縣入焉屬荊州府十
三年復爲州嘉靖十年來屬 當陽縣元屬荊門州洪
武九年改屬荊州府十年省入荊門縣十三年復置還
屬○沔陽州元沔陽府洪武初改爲州以州治玉沙縣
省入直隸湖廣布政司嘉靖十年來屬

德安府 應城縣洪武十年省入雲夢縣十三年復置

孝感縣洪武十年省入德安州十三年復置 隨州洪

武二年以州治隨縣省入九年降爲縣十三年復升爲

州 應山縣元隸隨州洪武九年省入隨縣十三年復

置

岳州府 巴陵縣洪武九年省入岳州十四年復置 平

江縣元爲州洪武三年降爲縣○澧州元爲路明初爲

府洪武九年降爲州以州治澧陽縣省入屬常德府三

十年來屬 慈利縣元爲州洪武二年降爲縣

荊州府元中興路洪武初改荊州府 枝江縣洪武十年
省入松滋縣十三年復置○夷陵州元峽州路明初爲
府尋降爲州洪武九年改州名夷陵以州治夷陵縣省
入來屬○歸州元治秭歸縣洪武九年廢州入縣屬陵
州十年改縣名長甯十三年復改縣爲歸州 興山縣
正統九年省入歸州成化七年復置尋又廢宏治二年
復置 巴東縣洪武九年屬夷陵州隆慶四年還屬
襄陽府 棗陽縣洪武十年省入宜城縣後復置 光化
縣洪武十年省入穀城縣十三年復置 均州洪武二
年以州治武當縣省入

鄖陽府元鄖縣屬均州明初因之成化十二年置府 房
縣元房州隸襄陽路洪武八年降州爲縣屬襄陽府成
化十三年來屬 竹山縣元隸房州洪武十年省入房
縣十三年復置屬襄陽府成化十二年來屬 竹谿縣
成化十二年析竹山縣地置 上津縣洪武初置屬襄
陽府成化十二年來屬 鄖西縣成化十二年析鄖及
上津二縣地置 保康縣宏治十一年析房縣地置
長沙府元天臨路太祖初改潭州府洪武五年更名長沙

善化縣洪武十年省入長沙縣十二年復置 湘陰
湘潭瀏陽醴陵益陽湘鄉六縣元爲州洪武初降爲縣

攸縣元攸州洪武三年降爲縣 茶陵州元置明初降爲縣成化十八年復爲州

常德府 桃源龍陽二縣元爲州洪武初降爲縣 沅江

縣元屬龍陽州洪武三年州廢來屬十年省入龍陽縣十三年復置

衡州府 衡山縣元屬天臨路洪武間改屬 耒陽常甯

二縣元爲州洪武三年降爲縣○桂陽州元爲路洪武

元年爲府九年降爲縣以州治平陽縣省入十三年升

爲州 藍山縣洪武元年屬郴州二年來屬 嘉禾縣

崇禎十二年析桂陽州臨武縣地置

明實錄卷七十四

五

永州府○道州元爲路洪武元年爲府九年復降爲州以

州治營道縣省入來屬 新田縣崇禎十二年析甯遠

縣地置

寶慶府 城步縣宏治十七年析武岡綏甯縣地置○武

岡州元爲路洪武元年爲府九年降爲州以州治武岡

縣省入來屬

辰州府○沅州元爲路洪武元年爲府九年降爲州以州

治郴陽縣省入來屬

郴州元爲路洪武元年爲府九年降爲州以州治郴陽縣

省入直隸布政司

靖州元爲路太祖乙巳年爲靖州軍民安撫司洪武元年
降爲州三年升爲府尋復降爲州以州治永平縣省入
直隸布政司 通道縣洪武十年省入州十三年復置
綏甯縣元屬武岡路洪武三年來屬 天柱縣洪武
二十五年置天柱守禦千戶所萬厯二十五年改置縣
又析綏甯會同二縣地益之

浙江禹貢揚州之域

杭州府 海甯縣元爲州洪武初降爲縣

嚴州府元建德路太祖初改建安府尋曰建德府洪武八
年改嚴州府

明會要卷七十四

六

嘉興府 秀水縣宣德五年析嘉興縣地置 嘉善縣宣

德五年析嘉興縣地置 崇德縣元爲州洪武二年降

爲縣 桐鄉縣宣德五年析崇德縣地置 平湖縣宣

德五年析海鹽縣地置 海鹽縣元爲州洪武二年降

爲縣

湖州府 長興縣元長興州明初爲長安州洪武二年改

長興縣○安吉州元安吉縣正德元年升爲州 孝豐

縣成化二十三年析安吉縣地置屬府正德二年改屬

州

紹興府 諸暨縣元爲州明初改諸全州洪武二年改爲

諸暨縣 餘姚縣元爲州洪武初降爲縣

甯波府元慶元路太祖初爲明州府洪武十四年改甯波府 慈谿縣元曰慈溪永樂十六年改溪爲谿 奉化縣元爲州洪武二年降爲縣

台州府 黃巖縣元爲州洪武三年降爲縣 太平縣成化五年析黃巖縣地置

金華府元婺州路太祖初改甯越府尋改金華府 蘭谿縣元爲州洪武三年降爲縣 湯溪縣成化七年析蘭谿金華龍游遂昌四縣地置

衢州府太祖初改龍游府尋改衢州府

明史卷七十四

七

處州府太祖初改安南府尋改處州府 慶元縣洪武初省入龍泉縣十四年復置 雲和縣景泰三年析麗水縣地置 宣平縣景泰三年析麗水縣地置 景泰五年析青田縣地置

温州府 瑞安平陽二縣元爲州洪武初降爲縣 泰順縣景泰三年析瑞安平陽二縣地置

福建 禹貢揚州之域

福州府 福清縣元爲州洪武六年降爲縣

興化府 興化縣正統十三年省

建甯府 壽甯縣景泰六年析政和福安二縣地置

延平府 永安縣景泰三年析沙縣尤溪二縣地置 大

田縣嘉靖十五年析尤溪永安漳平德化四縣地置

汀州府 連城縣本蓮城洪武十七年後改連 歸化縣

成化六年析清流將樂沙縣甯化四縣地置 永定縣

成化十四年分上杭縣地置

邵武府

泉州府

漳州府 漳平縣成化七年分龍巖縣地置 平和縣正

德十四年析南靖漳浦二縣地置 詔安縣本南詔守

禦千戶所嘉靖九年改置詔安縣 海澄縣嘉靖四十

明會要卷七十四

八

四年割龍溪漳浦二縣地置 甯洋縣隆慶元年割龍

巖大田永安三縣地置

福甯州元屬福州路洪武二年降爲縣成化九年復升爲

州直隸布政司 甯德福安二縣洪武二年屬福州府

成化九年來屬

廣東 禹貢揚州之域

廣州府 順德縣景泰三年析南海縣地置 新安縣洪

武十四年置東莞守禦千戶所萬厯元年改置新安縣

三水縣嘉靖五年分南海高要二縣地置 龍門縣

宏治六年析增城縣地置 新甯縣宏治十一年析新

會縣地置 從化縣宏治二年析番禺增城二縣地置
○連州元桂陽州洪武二年省入連州尋廢十四年復
置來屬 陽山縣元屬桂陽州洪武初州廢屬韶州府
十四年改屬連州 連山縣洪武三年省入陽山十四
年復置來屬

肇慶府 高明縣成化十一年分高要縣地置 新興縣
元新州治洪武初州廢入縣 開平縣萬厯中割恩平
新興新會三縣地置 陽春縣元屬南恩州洪武元年
屬新州二年州廢屬府 陽江縣元南恩州治洪武初
州廢以縣來屬 恩平縣成化十四年析陽江新興新

明會要卷七十四

九

會三縣地置 廣甯縣嘉靖三十八年分四會縣地置
○德慶州元爲路洪武初爲府九年降爲州以府治端
溪縣省入來屬 封川縣元封州治直隸廣東道洪武
初州廢改屬 開建縣元屬封州洪武二年改屬
韶州府 英德縣元爲州洪武初降爲縣 翁源縣元屬
英德州洪武二年改屬

南雄府

惠州府 長甯縣隆慶三年析歸善英德翁源三縣地置

永安縣隆慶三年分歸善長樂二縣地置 龍川縣

元循州治洪武二年州廢以縣來屬 長樂興甯二縣

元屬循州洪武二年改屬○連平州崇禎六年割和平縣地置以河源長甯翁源三縣地益之尋升爲州 河源縣洪武初屬府崇禎六年改屬州 和平縣正德十三年分龍川河源二縣地置

潮州府 程鄉縣元梅州治洪武二年省州入縣來屬

饒平縣成化十四年析海陽縣地置 惠來縣嘉靖四十年割潮陽海豐二縣地置 鎮平縣崇禎六年分平遠程鄉二縣地置 大埔縣嘉靖五年析饒平海陽二縣地置 平遠縣嘉靖四十一年分程鄉興甯二縣地置 普甯縣嘉靖四十三年分潮陽縣置普安縣萬厯十

明會要卷七十四

十

三年改曰普甯 澄海縣嘉靖四十二年析海陽揭陽饒平三縣地置

高州府 茂名縣洪武七年省十四年復置○化州元爲路洪武元年爲府八年降爲州省石龍縣入焉九年又降爲縣十四年復爲州 吳川石城二縣洪武初屬高州府十四年改屬州

雷州府

廉州府 合浦縣洪武七年省十四年復置○欽州元爲路洪武二年爲府七年降爲州以州治安遠縣省入九年降爲縣來屬十四年復爲州 靈山縣洪武九年屬

廉州府十四年仍屬欽州

瓊州府元乾甯軍民安撫司洪武元年改爲瓊州府 定安縣元改南建州洪武初復爲定安縣○儋州元南甯軍洪武元年改爲儋州屬府正統四年以州治宜倫縣省入○萬州元萬安軍洪武元年改爲萬州屬府正統四年以州治萬安縣省入○崖州元吉陽軍洪武元年改爲崖州正統四年以州治甯遠縣省入 感恩縣舊屬儋州正統五年來屬

羅定州元瀧水縣洪武初屬德慶州萬厯五年升爲羅定州直隸布政司 東安縣萬厯五年分德慶州及高要

明會要卷七十四

七

新興二縣地置 西甯縣萬厯五年分瀧水縣地置

廣西禹貢荆州之域

桂林府元靜江路洪武元年爲府五年改爲桂林府○全州元爲路洪武初爲府九年降爲州以州治清湘縣省入屬湖廣永州府二十八年來屬○永甯州元古縣洪武十四年爲古田縣隆慶五年升爲永甯州 永福義甯二縣舊屬府隆慶五年改屬州

平樂府 富川縣元屬賀州洪武十年屬潯州府後來屬

賀縣元賀州洪武二年省臨賀縣入焉屬潯州府十年改爲賀縣來屬 荔浦脩仁二縣舊屬桂林府宏治

四年來屬 昭平縣洪武十八年省入平樂縣萬厯四年復置 永安州元立山縣洪武十八年省成化十三年復置曰永安州屬桂林府宏治五年來屬

梧州府 藤縣元藤州洪武五年省鐔津縣入州十一年降爲縣 容縣元容州洪武十年省普甯縣入州尋降爲縣 懷集縣元屬賀州洪武初屬平樂府十年來屬 ○鬱林州洪武五年省南流縣入州來屬 北流陸川二縣舊屬容州宏治十年來屬

潯州府 貴縣元貴州洪武三年降爲縣來屬

柳州府 羅城縣洪武二年置屬融州十年州廢改屬

明會要卷七十四

十三

懷遠縣洪武十年廢十四年復置 融縣元融州洪武

初以州治融水縣省入來屬十年降爲縣 來賓縣元

屬象州洪武十年來屬 ○象州洪武二年來屬以州治陽奉縣省入 武宣縣元曰武仙宣德六年更名 ○賓州洪武二年以州治嶺方縣省入來屬

慶遠府洪武二年改慶遠南丹軍民安撫司三年復曰慶遠府 ○河池州元爲縣宏治十七年升爲州 思恩縣

舊屬府正德元年改屬州 荔波縣洪武十七年析思

恩縣地置屬府正德元年改屬州 南丹州洪武七年

置二十八年廢尋復置 東蘭州洪武十二年置以西

蘭州省入 那地州洪武元年省那州入地州改爲那

地州

南甯府 隆安縣嘉靖十二年析宣化縣地置○橫州洪

武初以州治甯浦縣省入屬潯州府十年降爲縣來屬

十三年復爲州 永瀆縣洪武十年省入橫縣十三年

復置 新甯州隆慶六年分宣化及忠州江州之地置

上思州洪武二十一年置屬思明府宏治十八年改

屬 歸德州洪武二年屬田州府宏治十八年來屬

果化州洪武二年屬田州府嘉靖九年來屬 忠州洪

武二十一年置屬思明府萬厯三年來屬 下雷州元

明會要卷七十四

三

下雷峒洪武初屬鎮安府嘉靖四十三年來屬萬厯十

八年升爲州

思恩軍民府 奉議州洪武五年省入來安府七年復置

直隸行省嘉靖六年來屬 上映州元屬鎮安路洪武

五年廢爲洞萬厯三十二年復置來屬 上林縣洪武

二年屬田州府嘉靖七年來屬 武緣縣元屬南甯路

萬厯五年來屬

太平府 永康州元永康縣萬厯二十七年升爲州 上

石西州洪武末省永樂二年復置萬厯三十八年來屬

上下凍州元屬龍州萬戶府洪武初來屬 思明州

洪武二年屬思明府萬厯十六年來屬

思明府 西平州祿州洪武三年省永樂二年復置宣德元年與安南

鎮安府

田州元爲路洪武二年爲府嘉靖七年降爲州直隸布政司

歸順州洪武初廢爲洞宏治九年復置屬鎮安府嘉靖初直隸布政司

泗城州元屬田州路洪武九年改隸布政司

向武州洪武二年屬田州府二十八年廢建文二年復置

明會要卷七十四

十四

直隸布政司

都康州洪武二年屬田州府尋廢建文元年復置直隸布

政司

龍州元龍州萬戶府洪武初仍爲州隸太平府九年直隸

布政司

江州明初屬思明府洪武二十五年改隸布政司 羅白

縣洪武三年置屬思明府後來屬

思陵州洪武三年省入思明府二十一年復置直隸布政司

憑祥州洪武十八年置憑祥鎮永樂二年升爲縣屬思明

府成化十八年升爲州直隸布政司

雲南

雲南府元中慶路洪武十五年改雲南府 羅次縣元屬

安甯州宏治十三年改屬 嵩明州洪武十五年改曰

嵩盟成化十八年復故

曲靖府 亦佐縣元屬羅雄州永樂初改屬 羅平州元

羅雄州萬厯十五年更名

尋甸府元仁德府洪武初改尋甸軍民府成化十二年改

爲尋甸府

臨安府 石屏州元曰石坪洪武十五年改曰石平後改

明實錄卷七十四

五

今名 阿迷州元阿甯萬戶洪武十五年置州 通海

嶧峨二縣元屬甯州洪武十五年改屬 新化州明初

置馬龍他郎甸長官司宏治八年改爲新化州萬厯十

九年來屬

澂江府

廣西府

廣南府元廣南西路宣撫司洪武十五年爲府 富州元

屬廣南西路洪武十五年改屬府

元江軍民府元元江路洪武十五年爲府永樂初升軍民

府

楚雄府元威楚開南路洪武十五年改爲楚雄府 楚雄

縣元曰威楚洪武十五年更名 廣通縣元屬南安州

洪武中改屬 定邊縣元屬鎮南州洪武中改屬

姚安軍民府 姚州元屬大理路洪武十五年改屬 大

姚縣洪武初屬姚州後改屬府

武定府

景東府

鎮沅府

大理府 趙州洪武十五年改名趙喜州尋復 雲南縣

元爲州洪武十五年降爲縣 賓川州宏治六年析趙

明會要卷七十四

去

州及太和雲南二縣地置 雲龍州元雲龍甸軍民府

洪武十七年改爲州來屬正統閒屬蒙化府後還屬

鶴慶軍民府 劍川州元爲縣洪武十七年升爲州 順

州元屬麗江路洪武十五年屬北勝府尋來屬

麗江軍民府 蘭州元屬麗江路洪武中屬鶴慶府後仍

來屬

永甯府

勝州元北勝府洪武十五年改爲州正統七年直隸布

政司

永昌軍民府 保山縣嘉靖三年改金齒永昌二千戶所

置縣 永平縣元屬永昌府洪武二十三年屬金齒軍
民司嘉靖元年仍屬府 騰越州元騰衝府洪武末改
騰衝守禦千戶所隸金齒衛正統九年升爲騰衝軍民
指揮使司嘉靖二年改置騰越州屬府

蒙化府

順甯府

孟定禦夷府

孟良禦夷府

威遠禦夷州元威遠州隸威楚路後改威遠蠻棚府洪武
十五年仍爲威遠州

明會典卷七十四

七

灣甸禦夷州本灣甸長官司永樂元年置三年改爲州直
隸布政司

鎮康禦夷州元鎮康路洪武十五年改爲府十七年降爲

州直隸布政司

廣邑州本金齒軍民司之廣邑寨宣德五年升爲州八年
直隸布政司

貴州 禹貢荆梁
二州之域

貴陽軍民府本程番府成化十二年分貴州宣慰司地置
治程番長官司隆慶二年移入布政司城與宣慰司同
治三年改府名貴陽萬厯二十九年升爲軍民府 新

貴縣隆慶六年改貴竹長官司置 貴定縣萬厯三十
六年析新貴縣及定番州地置 開州崇禎四年以副
宣慰洪邊舊地置 廣順州萬厯三十九年以金筑長
官司置 定番州萬厯十四年以程番長官司置
安順軍民府 鎮甯永甯二州洪武中屬普定衛正統三
年改隸貴州布政司萬厯三十年來屬 普安州洪武
十六年置普安軍民府二十年改置衛永樂十三年改
爲州隸貴州布政司萬厯三十年改屬

都勻府洪武十六年置都雲安撫司二十三年改置都勻
衛宏治六年置都勻府 麻哈州洪武五年置麻哈長

明會要卷七十四

六

官司宏治八年升爲州 獨山州洪武十九年置九名
九姓獨山州長官司宏治八年升爲獨山州 清平縣
洪武二十三年置清平長官司宏治八年增置清平縣
平越軍民府元平月長官司洪武十四年置平越衛萬厯
二十七年增置平越軍民府 黃平州洪武八年置黃
平安撫司萬厯二十九年改爲州 餘慶縣洪武十七
年置餘慶長官司萬厯二十九年改置縣 甕安縣洪
武十七年置甕水安撫司萬厯二十九年改置甕安縣
黎平府本思州宣慰司地永樂十一年置黎平府 永從
縣本永從軍民長官司正統七年改爲縣

思南府元思南宣慰司永樂十一年改爲府 安化縣本
水德江長官司萬厯二十八年改置縣 印江縣本思
印江長官司宏治七年改置印江縣 婺川縣元屬思
州安撫司洪武五年屬鎮遠府永樂十二年屬府
思州府元思州宣慰司永樂十一年改爲府

鎮遠府 鎮遠縣洪武五年置鎮遠溪洞金容金達蠻夷
長官司宏治十一年改置鎮遠縣 施秉縣洪武五年
置施秉蠻夷長官司正統九年改置縣

銅仁府本思州宣慰司地永樂十一年置銅仁府 銅仁
縣本銅仁長官司萬厯二十六年改置銅仁縣

明會要卷七十四

九

石阡府洪武爲石阡長官司永樂十一年置石阡府 龍
泉縣本龍泉坪長官司萬厯二十九年改爲縣
土司改置

湖廣

施州衛 施南宣撫司洪武四年置宣慰司永樂三年改
長官司明年升宣撫司東鄉五路忠路忠孝三安撫司
皆洪武初置二十三年廢永樂五年復置 金峒安撫
司元置洪武四年改長官司永樂五年復故 散毛宣
撫司洪武四年置沿邊宣撫司永樂九年改長官司十
三年復升宣撫司龍潭安撫司洪武四年置二十三年

廢永樂五年復置大旺安撫司洪武六年置宣撫司永樂五年改安撫司 忠建宣撫司洪武六年置十四年更安撫司永樂四年復故忠峒安撫司洪武五年置沿邊溪洞長官司後廢永樂四年改置高羅安撫司洪武六年置明年廢永樂四年復置 容美宣撫司洪武四年置尋廢永樂四年復置盤順長官司元軍民安撫司洪武五年改置椒山瑪瑙五峯石寶石梁下峒水盡源通塔平四長官司皆洪武六年置十四年廢永樂五年復置 木册長官司元安撫司洪武四年廢永樂四年復置長官司鎮南唐崖二長官司皆洪武中廢永樂中復置并木册皆隸施州衛

永順軍民宣慰使司洪武二年置軍民安撫司六年升軍民宣慰使司

保靖州軍民宣慰使司明初置軍民安撫司洪武元年改宣慰司六年升軍民宣慰使司 簞子坪長官司太祖初置簞子坪洞元帥府後廢永樂三年改置

四川

馬湖府 沐川長官司元置洪武四年改爲州尋復故

永甯宣撫司洪武七年置長官司八年升宣撫司 九姓長官司元九姓羅姓黨蠻夷長官千戶洪武四年改置

太平長官司元大壩軍民府洪武中廢成化四年改置

酉陽宣慰司洪武五年置酉陽州兼置酉陽宣慰司州尋廢八年改宣撫司天啟元年升宣慰司 石耶洞長官司元軍民府洪武八年改置 邑梅洞長官司元佛鄉洞長官司洪武八年改置

石柱宣慰司洪武八年置宣撫司天啟元年升宣慰司

建昌衛 威龍長官司元威龍州洪武十五年以龍爲隆永樂二年改置 普濟長官司元普濟州永樂二年改置

明會要卷七十四

三

越雋衛 印部長官司元印部州洪武二十七年升軍民府後仍爲州永樂元年改爲長官司

雲南

臨安府 納樓茶甸長官司洪武十五年置納樓千戶所十七年改置 教化三部長官司元強現三部洪武中改置 王弄山長官司元王弄山大小二部洪武中改置 麴容甸長官司元鐵容甸洪武中改置 溪處甸長官司元溪處甸軍民副萬戶洪武中改置 思佗甸長官司元和泥路洪武十五年爲府十七年廢後改置 左能寨長官司本司佗甸寨洪武中改置 落恐甸

長官司元伴溪落恐軍民萬戶府洪武中改置 安南
長官司元安南道防送軍千戶洪武中改置正德六年
省入蒙自縣天啟二年復置

鎮沅府 祿谷寨長官司永樂十年以祿平寨置

大理府 十二關長官司元十二關官防送千戶所洪武
中改置

永昌府 潞江安撫司元柔遠路洪武十五年改爲府二

十三年改潞江長官司永樂元年升安撫司 瓦甸安
撫司明初長官司正統五年升安撫司 鳳溪長官司
本元永昌府地洪武二十三年改置 施甸長官司元

明會要卷七十四

三

石甸長官司洪武十七年更名

孟緬長官司宣德五年以景東之孟緬孟梳地置又有大
猛麻猛撒二土巡司與猛緬稱爲三猛

車里軍民宣慰使司元徹里軍民總管府洪武十五年改
軍民府十七年改軍民宣慰使司永樂中廢宣德六年
復置

緬甸軍民宣慰使司洪武二十七年置緬中宣慰使司尋
廢永樂元年復置更名

木邦軍民宣慰使司元木邦路洪武十五年改爲府永樂
初改軍民宣慰使司

八百大甸軍民宣慰使司元八百等處宣慰使司洪武二十四年改置

孟養軍民宣慰使司元雲遠路洪武十五年爲府十七年改爲孟養府永樂二年改軍民宣慰使司正統十三年廢萬厯十三年改置長官司

南甸宣撫司元南甸路洪武十五年爲府永樂十二年改州正統八年升宣撫司

干崖宣撫司元鎮西路洪武十五年改府永樂元年析置干崖長官司正統八年升宣撫司

隴川宣撫司洪武十七年置麓川平緬軍民宣慰使司正

明會要卷七十四

三

統六年廢九年改置

孟密宣撫司明初爲木邦宣慰司部落成化二十九年析置孟密安撫司萬厯十三年升宣撫司

蠻莫安撫司萬厯十三年析孟密地置

鈕兀禦夷長官司宣德八年以和泥之鈕兀五隆二寨置芒市禦夷長官司元芒施路洪武十五年爲府正統八年

改置

孟連長官司舊爲麓川平緬司地永樂四年置

茶山長官司本孟養部落永樂三年孟養叛茶山不從自

詣闕下授長官司

方輿紀要下同

麻里長官司與茶山接壤亦以拒孟養功授長官司

貴州

定番州 小程番長官司元爲安撫司洪武六年改置

韋番長官司元韋番蠻夷長官司洪武十五年改置

盧番長官司元盧番靜海軍安撫司洪武六年改置省

元盧番蠻夷軍民長官司入焉 方番長官司元方番

河中府安撫司洪武五年改置 洪番長官司元洪番

永盛軍安撫司洪武六年改置 臥龍番長官司元臥

龍番南甯州安撫司洪武六年改置 小龍番長官司

元小龍番靜蠻軍安撫司洪武六年改置 大龍番長

明實錄卷七十四

十四

官司元大龍番應天府安撫司洪武五年改置 金石

番長官司元金石番太平軍安撫司洪武五年改置

盧山長官司元盧山等處蠻夷軍安撫司洪武六年改

置 木瓜長官司元木瓜等處蠻夷軍民長官司洪武

五年改置 羅番長官司元羅番大龍邊蠻軍安撫司

洪武五年改置

貴州宣慰使司與府同城明初置復增置府治而宣慰司

如故 水東長官司元水東寨長官司洪武五年改置

後廢永樂元年復置 中曹蠻夷長官司元中曹百納

等處長官司洪武五年改置 白納長官司元茶山白

納等處長官司洪武五年併入中曹司永樂四年置

乖西蠻夷長官司元乖西軍民府洪武五年改置後廢

永樂元年復置 養龍坑長官司元養龍坑宿徵等處

長官司洪武五年改置

都勻府 都勻長官司元上都勻等處軍民長官司洪武

十六年改置 邦水長官司元中都雲板水等處軍民

長官司洪武十六年更名 平浪長官司元都雲安撫

司洪武十六年分置 平州六洞長官司元六洞柔遠

蠻夷軍民長官司洪武十六年改置 樂平長官司元

犵狓砦地洪武五年置 陳蒙爛長官司元陳蒙蠻夷

明會要卷七十四

五

軍民長官司洪武十六年改置 豐甯長官司元都雲

安撫司地洪武二十三年置

平越衛 凱里長官司正統中分播州宣慰司地置凱里

安撫司萬厯三十五年改長官司 楊義長官司元爲

平月長官司地洪武十四年置

黎平府 古州蠻夷長官司元古州八萬洞軍民長官司

洪武三年改置 西山陽洞蠻夷長官司洪武初置後

廢永樂元年復置 新化蠻夷長官司元新化長官司

洪武三年改置後廢永樂元年復置 湖耳歐陽中林

驗洞三蠻夷長官司皆洪武初置後廢永樂元年復置

亮寨蠻夷長官司本洪武三年置八萬亮寨蠻夷長
官司後廢永樂元年復置更名

思州府 都坪峽異溪蠻夷長官司洪武六年置二十五
年省永樂十二年復置 施溪長官司元施溪樣頭長
官司洪武五年改名

鎮遠府 偏橋長官司元偏橋中寨蠻夷軍民長官司洪
武五年改置 印水十五洞蠻夷長官司元印水縣洪
武五年改置 臻剖六洞橫坡等處長官司本臻剖六
洞橫坡三長官司洪武十二年置後併爲一司

銅仁府 省溪長官司元省溪壩場等處蠻夷長官司洪
武初改名 大萬山長官司元大萬山蘇葛辦等處軍
民長官司洪武初改名 烏羅長官司元烏羅龍千等
處長官司洪武初改名 平頭著可長官司元平頭著
可通達等處長官司洪武初改名

明會要卷七十五

永新龍文彬纂

方域五

道路

洪武五年明史系之三十一年帝諭左都督徐增壽曰曩因碣門距

長河西口道路險隘以致往來跋涉艱難市馬數少今聞

有路自碣門出柘木場按方輿紀要碣門砦西有柘木場亦要口明史土司傳作枯木任傷

恐徑抵長河西口通雜道長官司道路平坦往來徑直可

卽檄所司開拓以便往來方輿紀要

十五年五月上諭東川烏撒烏蒙芒部諸部長曰今置郵

明會要卷七十五

傳通雲南宜率土人隨其疆界遠邇開築道路各廣十丈

準古法以六十里爲一驛土司傳

八月乙巳遣使諭傅友德沐英曰關索嶺非古道古道在

西北大軍若開此道以接普定卽芒部諸長可盡獲也同上

二十二年永甯宣慰司言所轄地水道有一百九十灘其

八十餘灘道梗不利詔曹震往疏鑿治之震至瀘州按視

有支河通永甯乃鑿石削崖令深廣以通漕運又關陸路

作驛舍郵亭駕橋立棧自茂州一道至松潘一道至貴州

以達保甯藍田傳

二十九年五月修峩眉至越雋道途畢工大政記

永樂七年令海子橋至西湖一路水道差官十員往來巡察

會典

宣德三年十一月修南海子周垣橋道

大政記

七年五月復開平涼府開城縣迭烈孫道路先是陝西參政楊善言西安諸府州歲運糧餉赴甘州涼州山丹永昌諸衛皆經平涼府隆德縣六盤山螿蜚嶺山澗陡絕人力艱難開城縣舊有路經迭烈孫黃河平坦徑直抵甘州諸衛近五百餘里洪武中官置渡船平涼撥軍造濟人以爲便旣乃罷之今請如舊開通以利民從之

昭代典則

正統四年令各府州縣提調官常巡視橋梁道路隨時修

明皇朝卷七十五

二

理會

成化初用兵河套戶部侍郎陳俊赴河南山陝籌餉俊以榆林道險遠轉輸難乃修西安韓城同官徑道以利飛輓

陳俊傳

二年令京城街道溝渠錦衣衛官並五城兵馬司時常巡

視

六年令皇城周圍東西長安街並京城內外大小街道溝渠不許官民人等作踐掘坑及侵占淤塞

已上會典

十二年余子俊巡撫陝西通南山道直抵漢中以便行旅

余子俊傳

十五年奏定虞衡司添設員外郎一員巡視在京街道溝渠會典

朝鮮貢道故由鴉鵲關成化十六年貢使請改由鴨綠江兵部尙書將許之職方郎中劉大夏曰鴨綠道徑祖宗朝豈不知顧紆迴數大鎮此始有微意不可許乃止劉大夏傳

嘉靖中徐九思爲句容縣知縣縣東西通衢七十里塵土積三尺雨雪泥沒九思節公費螿以石行旅便之徐九思傳

萬曆時丁賓擢南京工部尙書自上元至丹陽道路盡易以石行旅頌之丁賓傳

橋梁

明會要卷七十五

三

洪武二年三月辛卯徐達造咸陽橋

六年五月造渡淮浮橋

二十五年十一月戊子改建大內金水橋成

永樂十年七月蘆溝河水漲壞橋及堤下工部修築

正統三年二月修蘭縣黃河橋便甘肅餽運已上大政記

王源知潮州府城東有廣濟橋歲久圯壞源斂民萬金重

築之王源傳

九年重修蘆溝橋橋在宛平縣西南三十里金大定二十九年名曰廣利至是重修

十二年建永通橋已上明一統志

十三年九月工部侍郎王永壽建沙河等處石橋謁陵經行處

天順七年四月己巳建宏仁橋在南海子東牆外

成化十二年十二月造遼東浮橋從侍郎馬文升請也上

大政記

蓬州知州田鐸建大小二十四橋又鑿三溪山以便行者

田鐸傳

宏治三年蘆溝橋成中官李興乞進文思院副使潘俊等

官因王恕言乃止己修京城河橋帝復從興請授四人官

許五人冠帶王恕傳

四年中官奏修沙河橋請發京軍二萬五千及長陵五衛

明會要卷七十五

四

軍助役工部尙書賈俊執奏得寢賈俊傳

嘉靖元年四月重修金水玉河二橋大政記

二十四年十一月建良鄉琉璃河橋會典

萬厯二年建涿州胡良河石橋修北關外浮橋大政記

二十七年都水主事胡瓚督修琉璃河橋三年橋成省費

七萬有奇胡瓚傳

關津

洪武十五年九月丁卯設北平沿邊要害關隘二百處以

各衛校卒戍守昭代典則

二十六年定凡天下衝要處設立巡檢司盤詰往來及販

賣私鹽犯人逃軍逃囚 凡運糧馬快商賈等船經由津
渡巡檢司照驗文引若豪勢之人不服盤詰聽所司拏送

巡河御史即中處究治 已上會典

李驥授戶科給事中時關市譏商旅發及囊篋驥奏止之

李驥傳

宣德三年八月治各關稽留索賄之罪 大政記

四年六月初設鈔關於是有潮縣濟甯徐州淮安揚州上

新河濟墅九江金沙州臨清北新諸鈔關 三編

六年十一月罷各處關津把截軍以其邀阻索詐從御史

陳搏之奏也 大政記

明會要卷七十五

五

憲宗詔勸戚家不得占據關津陂澤設肆開廛侵奪民利

違者許所在官司執治以聞 外戚傳

街市

廟街 太廟右門

社街 社稷壇左門

十王街 東安門外已見輿服志

成賢街 儒林孔希學傳

東長安街 會典

西長安街 會典

棋盤街 大明門前

長連街御坊後牆謂之廊下家

短連街已上見日下舊聞

內市禁城之左

東市洪武初設寶鈔行用庫於東市

西市李時勉傳

洪武元年命在京兵馬司并管市司每三日一校勘街市

度量權衡稽牙僧姓名時其物價職官志在外城門兵馬亦

令兼領市司食貨志

道同為番禺知縣有土豪數十輩抑買市中物同械其魁

於通衢道同傳

明實錄卷七十五 六

景泰元年京城勲戚所置市廛月徵稅給事中葉盛以國

用不足請籍其稅佐軍餉從之葉盛傳

四年以鈔法不通令兩京市肆園場稅悉納鈔商民以為

病或閉戶不敢市易拔園蔬伐果木以避

宏治五年刑部尚書彭韶言光祿寺經費不支牲物概賒

之市肆大為賈人累已上食貨志

九年吏部尚書屠瀟等言勲戚縱家人列肆通衢邀截商

賈都城內外所在有之伏望綸音戒諭所有店肆悉皆停

止更敕都察院揭榜禁戒擾商賈奪民利者聽巡城巡按

御史及所在有司執治憲章錄

武宗令內侍仿設塵肆身衣估人衣與貿易更令作市正調和之楊守隨疏所謂列市肆而親商賈之爲者以此編三

正德十一年冬帝將置肆於京城西偏給事中齊之鸞上言近聞有花酒鋪之設或云車駕將臨幸或云朝廷收其息陛下貴爲天子富有四海乃至競錐刀之利如倡優館

舍乎齊之鸞傳

尙書王瓊奏宏治元年百戶王敏建言請於京城內外小巷路口置立柵欄夜間關閉本部會議未及舉行今京城之內大街小巷巡捕官軍巡歷不周盜賊得以藏匿應各置立門柵遇夜關閉本部仍委官如法修置明臣奏議

明會要卷七十五

萬厯二十五年刑部侍郎呂坤疏言官店租銀收解自趙承勛造四千之說而皇店開夫市井之地貧民求升合絲毫以活身家者也陛下享萬方之富何賴於彼且馮保八店爲屋幾何而歲有四千金之課課旣四千徵收何止數倍不奪市民將安取之今豪家遣僕設肆居民尙受其殃況特遣中貴賜之敕書民困豈顧問哉呂坤傳

四十二年四月福王常洵設店洛陽與民市葉向高言以藩國之尊下侵商賈之事於體甚褻不報編三

四十三年五月御史劉廷元請禁內市以消隱禍因諭內地每月三市初四十四日相沿年久以濟需用事不可缺但

不許持挾銅鐵鋒利弓矢等物入市違者必懲同上

寺觀

洪武十二年二月建神樂觀於郊祀壇西永樂十八年建於北京

十六年九月鳳陽大龍興寺成即皇覺寺

二十五年二月甲戌重建天界寺

永樂十六年十二月丁未朔武當山宮觀成賜名曰太嶽太和山

二十二年三月甲辰重建天禧寺成賜名大報恩寺已上大政記

明皇卷七十五

正統十三年太監王振修大興隆寺日役萬人糜帑數十萬閔麗冠京都英宗爲賜號第一叢林單字傳

景泰時中官興安請帝建大隆福寺嚴壯與興隆並四年

三月寺成同上

成化八年修隆善寺陞工匠三十人爲文思院副使昭代典則

十四年六月英國公張懋以京營兵苦工作請止圓通寺

修造不聽大政記

十九年命襄城侯李瑾督軍萬人修大慈恩寺按明一統志大慈恩

寺在順天府西海子舊名海印寺

二十年僧繼曉請建大永興寺於西市逼徙居民數百家

糜國帑數十萬繼曉傳

正德七年十一月詔建鎮國寺於大內西城大政記

嘉靖十年正月毀大慈恩寺同上

城郭

太祖初拓建康城東北盡鍾山之陽延互周圍凡五十餘

里大政記

通州城相傳秦蒙恬舊址五代時修築元初壞洪武元年

又修甃以磚石歷代沿革表

洪武四年八月李文忠築成都新城李文忠傳

十月丙寅修京師城垣大政記

明會要卷七十五

九

六年六月京師城成周九十六里門十有三後復建外郭

周一百八十里門十有六三編

十二年葉昇鎮遼東修海益復三城葉昇傳十二月永嘉侯

朱亮祖發卒三萬人拓廣東城百餘丈昭代典則

十四年鄭遇春從傅友德平雲南帥楊文等經略城池屯

堡鄭遇春傳

二十年湯和築瀕海五十九城備倭湯和傳馮勝等師出松

亭關分築大甯寬河會州富峪四城馮勝傳江夏侯周德興

至閩相視要害築城十有六周德興傳

二十二年命藍玉督修四川城池藍玉傳

二十三年四月詔築京師外垣

大政記

二十四年正月命都督劉真勅立甘肅城池

明政統宗

永樂八年七月築開平衛城

十七年十一月拓北京南城

宣德元年正月脩築廣西南丹城

三年八月壬午修居庸關城

六年十一月脩宣大鎮城

正統九年十月拓甯夏城

十年六月脩京城內垣

景泰元年正月增築紫荊關城築倒馬關內城七月城臨

明實錄卷七十五

十

清十月都督孫安修復獨石馬營等處邊城

已上大政記

築永安城於天壽山之南以居陵衛官軍後遂移昌平縣

治焉

憲章錄

二年十月復修宣大外邊城堡

天順五年四月築滄州城

已上大政記

成化初廣東布政使張瑄增築廣州新會諸城垣一十二

張瑄傳

十年總兵蔣琬上言太祖肇建南京城外復築土城以衛居民誠萬世之業今北京但有內城已已之變敵騎長驅直薄城下可以爲鑒今西北隅故址猶存亟行勸募之令

濟以工罰成功不難章下所司蔣貴傳

宏治十一年順天巡撫洪鐘繕復城堡二百七十所悉城

緣邊諸縣洪鐘傳

十四年秦紘總制三邊軍務修築諸邊城堡一萬四千餘

所秦紘傳

十七年二月都御史楊一清請勅立陝西各處城堡從之

嘉靖四年二月丁未發團營卒五千人修都城

七年三月添築甯夏邊城已上大政記

王儀遷山西右參政按行所部築城郭榆次平定間遂皆

有城王儀傳

明會要卷七十五

十一

吳桂芳遷揚州知府建議增築外城揚有二城自桂芳始

吳桂芳傳

李承勛巡撫遼東凡為城塹各九萬一千四百餘丈墩堡

百八十有一李承勛傳

二十一年邊報日至都御史毛伯溫等言古者有城必有

郭宜築外城下戶工二部議以匱乏停止三十二年給事

中朱伯辰復言高皇帝定鼎金陵於時即築外城聖慮宏

遠蓋為萬年計也文皇帝移都北平密邇邊塞顧有城無

郭者則締造方始未暇盡制耳臣竊見城外居民繁夥無

慮數十萬戶且四方萬國商旅貨賄所集不宜無以圍之

矧今邊報屢警不可不及時圖之臣嘗履行四郊咸有土城故址環繞周規可百二十餘里若仍其舊貫增庠培薄補缺續斷即可事半功倍矣疏入命相度外城舊址周圍共七十餘里擇日興工築正南一面轉抱東西南角三編實實三邊總督王以旂在鎮六年修延綏城堡四千五百餘所

王以旂傳

四十二年十二月乙巳工部尙書雷禮奏京師永定等七門當添築甕城東西便門接都城止丈餘又垛口卑隘濠池淺狹悉宜崇贄深濬上諭禮亟行之實錄

萬曆三十三年正月重修京師外城同上

明會要卷七十五

三

崇禎元年工部侍郎蔡國用督修都城需石甚急不克辦國用建議取牙石用之牙石者舊列崇文宣武兩街備駕出除道者也帝閱城嘉其功遂欲大用程國祥傳

邊牆

成化十年延綏巡撫余子俊築邊牆延袤千七百七十里

余子俊傳

十三年正月增修遼東牆堡

十五年十一月築甯夏沿河邊牆已上大政記

宏治六年二月御史李善請築遼東邊牆明政統宗十年修大

同邊牆

正德十六年九月修延綏三山堡定邊營等處邊牆

嘉靖七年二月補築陝西邊牆從楊一清請也

十九年六月修甯武偏頭等處邊牆

已上大政記

二十一年宣大總督翟鵬浚濠築垣修邊牆三百九十餘

里

本傳

二十三年宣大總督翁萬達議築邊牆自宣府西陽河洗

馬林張家口諸處為牆六十四里自大同東路天城陽和

開山口諸處為牆百二十八里既又修大同西路宣府東

路邊牆凡八百里寇乃不敢輕犯

翁萬達傳

三十三年賈應春總督宣大在鎮數載築邊垣萬一千八

明會要卷七十五

三

百餘丈

賈應春傳

三十六年四月詔修薊鎮邊牆

明政統宗

十二月大築宣大邊

牆

大政記

萬厯元年孫丕揚巡撫保定諸府築邊牆萬餘丈

孫丕揚傳

驛傳

自京師達於四方設有驛傳在京曰會同館在外曰驛曰

遞運所以便公差來往有軍情重務必給符驗以防詐偽

至於公文遞送又置鋪舍以免稽遲

各驛馬夫置銅鈴遇緊急公務懸帶馬上前路驛聽候鈴

聲隨即供應

已上會典

洪武元年正月庚子置各處水馬驛站遞運所急遞鋪九

月甲寅改各站為驛大政記

三年設開平衛置八驛東則涼亭沈河賽峯黃厓四驛接

大甯西則桓州威虜明安隰甯四驛接獨石開平廢而八

驛亦為棄地矣方輿紀要

五年九月諭中書省自今驛傳必以丁糧多者充之有司

務加存恤昭代典則

七年北平按察司副使劉崧請減僻地驛馬以益宛平帝

可其奏劉崧傳

八年三月定馬夫免糧則例自京會同館至宿州十三驛

明會要卷七十五

古

租全免自百善道至鄭州免三之二自滎陽至陝西山西

北平驛百二十一免三之一王圻考

延安侯唐勝宗坐擅馳驛騎奪爵唐勝宗傳

十六年四月松潘衛指揮僉事耿忠言臣所轄松潘等處

安撫司屬各長官司宜以其戶口之數量其民力歲令納

馬置驛而籍其民充驛夫供徭役從之土司傳

十七年景川侯曹震上言四川至建昌驛道經大渡河往

來者多死瘴癘詢之父老自眉州峩眉至建昌有古驛道

平易無瘴毒已令軍民修治請以瀘州至建昌驛馬移置

峩眉新驛從之後至瀘州又闢陸路作驛舍郵亭藍玉傳

二十年九月北平布政使請自河間景州至永平撫甯馬驛吳橋至通州水驛各增馬及船從之

十月定勲戚出使非奉符驗不得乘驛已上大政記

二十三年正月庚午遣鳳翔侯張龍等往雲南置驛傳昭代

別典

二十七年六月增遞運驛夫糧額

永樂元年十一月丁亥定驛傳事例

二年六月令各處軍情急務方許給驛

三年九月命福建浙江廣東市舶提舉司各置驛以館海

外諸番朝貢之使

明會要卷七十五

五

宣德四年七月乙巳朔置驛勘合已上大政記

禮部侍郎鄒師顏卒命驛舟送之詔京官卒者皆給驛著

為令夏原傳

六年二月許進表官得宿驛舍御史得乘驛馬初止騎驢

五月令南京府部寺院堂上官以公事至京者得給驛

七年二月給衍聖公孔彥縉乘驛

八年三月令沿河州縣有驛遞者悉免其民雜役又詔方

面官按部許給驛已上大政記

兵部尚書張本疏驛馬之設本以報軍機重務今在外凡有符驗官司及鎮守中官每以常事泛濫給驛皆宜禁今

請今年終各具一歲給驛起數及所幹事務所差人員造冊奏聞以憑稽覈從之

春明夢餘錄

正統中方面以公事行部者例不給驛貴州按察使應履平言僦車舟必擾民請給驛便從之

應履平傳

義門鄭氏族大不能自給又買馬出丁供山西郵傳困甚以金華府通判劉實言獲免

劉實傳

宏治三年四月定驛遞馬戶地遠者出銀所在自買通行天下從浙江巡按陳金奏也

大政記

萬厯初張居正議布按二司以下官雖公事毋許乘驛馬而南京兵部主事趙世卿請寬驛傳之禁

趙世卿傳

明會要卷七十五

六

四十二年保定巡撫王紀言驛遞之設以供命使之往來非以供寺令魚肉今中使李永妄作威福墩鎖驛夫非刑拷打與寇盜何異請敕法司嚴拏究問不納

明臣奏議

崇禎二年毛羽健陳驛遞之害言兵部勘合有發出無繳入士紳遞相假借一紙洗補數四差役之威如虎小民之

毛羽健傳

命如絲帝卽飭所司嚴加釐革

韓爌言

驛傳疲累當責按臣覈減以甦民困其所節省仍還之民帝然之

韓爌傳

無所得食皆從賊

二編

時大釐郵傳積弊減削過甚反累民范復粹巡按江西極

陳不便

程國祥傳

三年給事中魏呈潤疏言驛站所裁纔六十萬未足充軍餉十一而郵傳益疲勢必再編里甲是猶剗肉醫瘡瘡未瘳而肉先潰也

魏呈潤傳

明會要卷七十五

七

明會要卷七十五終

